

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02-11

Dana: 23.01.2019. godine

SKUPŠTINA KANTONA SARAJEVO
NEZAVISNI ODBOR
N/r predsjednika

**PREDMET: Izveštaj o radu policijskog komesara za period
oktobar-decembar 2018. godine, dostavlja se.-**

Poštovani,

na osnovu odredbi člana 45. stav (2) Zakona o unutrašnjim poslovima Kantona Sarajevo, u prilogu akta dostavljam Vam na upoznavanje i nadležno postupanje Izveštaj o radu policijskog komesara za period oktobar - decembar 2018. godine.

PRILOZI: Kao u tekstu.-

POLICIJSKI KOMESAR
Generalni inspektor policije

Mevludin Halilović

OTPREMLJENO

Broj:

23-01-2019

IZVJEŠTAJ

O RADU POLICIJSKOG KOMESARA ZA PERIOD OKTOBAR-DECEMBAR

2018. GODINE

Kao rukovodilac Uprave policije u Ministarstvu unutrašnjih poslova Kantona Sarajevo (u daljnjem tekstu: Uprava policije), u vremenskom periodu oktobar - decembar 2018. godine, u skladu s ovlaštenjima datim odredbama člana 23. Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16, u daljnjem tekstu: Zakon), kao i odredbama drugih relevantnih zakonskih i podzakonskih propisa, te Planom aktivnosti policijskog komesara u cilju unaprjeđenja rada Uprave policije u vremenskom periodu 2017. - 2021. godina, preduzimao sam poslove i zadatke u cilju efikasnog rukovođenja Upravom policije u izvršavanju poslova i zadataka propisanih u članu 20. Zakona u cilju osiguranja što većeg nivoa lične i imovinske sigurnosti na području Kantona Sarajevo.

Tokom izvještajnog perioda preduzeo sam slijedeće mjere i radnje:

I Predstavljao sam Upravu policije neposrednim učešćem i radnim angažmanom kroz različite oblike komunikacije s vladinim agencijama i nevladinim organizacijama, međunarodnim organizacijama i predstavništvima, a sve s ciljem stvaranja povoljnije sigurnosne situacije na području Kantona Sarajevo, stručne edukacije policijskih službenika Uprave policije, efikasnije i bolje realizacije naloženih vještačenja, bolje suradnje s policijskim agencijama u BiH i pravosudnim organima, prvenstveno Kantonalnim tužilaštvom Kantona Sarajevo.

Radi osiguranja što bolje suradnje, pripreme i realizacije projekata koji se zajednički provode na području Kantona Sarajevo u cilju izgradnje što boljeg razumijevanja i suradnje s lokalnom zajednicom, kao i stručne edukacije policijskih službenika Uprave policije na međunarodnom nivou i podizanja sigurnosti uposlenika diplomatsko-konzularnih predstavništava u BiH sa sjedištem na području Kantona Sarajevo, prisustvovao sam slijedećim sastancima: dana 18.10. s predstavnicima Ambasade Sjedinjenih američkih država u BiH i OHR-a BiH, dana 29.11.2018. godine s atašekom Ambasade Republike Slovenije u BiH i dana 10.12. i 27.12.2018. godine s predstavnicima EUFOR-a u BiH. U periodu od 04.10. do 11.10.2018. godine na poziv Ambasade Sjedinjenih američkih država u BiH boravio sam u Orlando, Sjedinjene američke države, gdje sam prisustvovao konferenciji o sigurnosti. Dana 21.11.2018. godine održan je sastanak s predstavnicima USAID-a, a dana 06.12.2018. godine s predstavnicima Ambasade Sjedinjenih američkih država.

U cilju što boljeg razumijevanja i suradnje s lokalnom zajednicom dana 17.10.2018. godine održan je sastanak s rektorom Univerziteta u Sarajevu. Dana 01.10.2018. godine održan je sastanak u Ministarstvu za rad, socijalnu politiku, izbjeglice i raseljena lica Kantona Sarajevo, a u vezi s Protokolom o postupanju u vezi s organiziranim prosijačenjem, koji je potpisan 02.10.2018. godine. Dana 03.10.2018. godine prisustvovao sam sportskim igrama održanim u sportskoj dvorani Ramiz Salčin. Dana 18.10.2018. godine održan je, u cilju što bolje suradnje, sastanak s Komorom agencija za zaštitu ljudi i imovine. Dana 27.10.2018. godine obratio sam se općinskim vijećnicima tokom vanredne sjednice

Općinskog vijeća Novi grad, održana povodom pogibije na dužnosti dva policijska službenika Policijske stanice Novi grad Četvrte policijske uprave Uprave policije, a dana 31.10.2018. godine istim povodom sam se obratio i prisutnim na vanrednoj sjednici Gradskog vijeća grada Sarajevo. Dana 19.11.2018. godine održan je sastanak s predstavnicima Željeznica F BiH, a u cilju prevazilaženja problema koji su uzrokovani prisustvom većeg broja migranata na području Kantona Sarajevo. Dana 30.11.2018. godine održan je sastanak s načelnikom Općine Stari grad, koji je tom prilikom Upravi policije uručio donaciju 2 motorna vozila za potrebe Prve policijske uprave Uprave policije. U cilju rješavanja problema lokalne zajednice dana 21.11.2018. godine održan je sastanak s predstavnicima Općine Ilidža, a dana 13.12.2018. godine s predstavnicima Općine Vogošća, dok je dana 20.12.2018. godine održan sastanak s predstavnicima Općine Centar i dana 04.12.2018. godine s predstavnicima Općine Novi grad. Dana 04.12. i 12.12.2018. godine održan je sastanak s predstavnicima BH Pošta, a dana 14.11.2018. godine s predstavnicima firme MIBO. Dana 19.12.2018. godine održan je sastanak s predstavnicima Grada u vezi s osiguranjem javnog Dočeka Nove 2019. godine.

Kako bi se ostvarila što bolja suradnja i komunikacija Uprave policije s drugim policijskim agencijama u BiH i F BiH, posebno kada su u pitanju aktivnosti vezane za rasvjetljavanje i dokumentovanje krivičnog djela ubojstva dva policijska službenika Uprave policije, dana 01.11. 2018. godine održan je sastanak s predstavnicima Državne agencije za istrage i zaštitu BiH, a dana 28.11.2018. godine s predstavnicima Policijske uprave Istočno Sarajevo MUP-a RS-a. Dana 17. i 18.12.2018. godine u Orašju sam prisustvovao sastanku Koordinacije Federalne uprave policije i kantonalnih Uprava policije na kojem je pored stanja sigurnosti na području F BiH, bilo govora o povećanom broju migranata na području F BiH. Dana 13.12.2018. godine održan je sastanak s predstavnicima Direkcije za koordinaciju policijskih tijela u BiH, a dana 20.12.2018. godine sastanak s predstavnicima Sudske policije F BiH.

U smislu što bolje suradnje s pravosudnim institucijama dana 19.10., 30.10., 01.11. , 05.11. i 12.11.2018. godine održani su radni sastanci s glavnim tužiteljem Kantonalnog tužilaštva Kantona Sarajevo. Dana 22.11.2018. godine održan je sastanak s predstavnicima Tužilaštva BiH.

Kako bi Uprava policije MUP-a Kantona Sarajevo što bolje odgovorila zadacima vezanim za rješavanje problema koji se javljaju zbog prisustva sve većeg broja migranata na području F BiH i Kantona Sarajevo, dana 25.10.2018. godine prisustvovao sam sastanku: Koordinacionog tijela Vlade Kantona Sarajevo, a dana 14.11.2018. godine prisustvovao sam sastanku s predstavnicima Službe za strance Ministarstva sigurnosti BiH.

U cilju što bolje informisanosti javnosti o radu Uprave policije i aktualnim događajima, koji su interesantni s aspekta sigurnosti, dana 26.10.2018. godine gostovao sam u televizijskom programu slijedećih emitera TV 1, TV N1, FTV, TVSA i RTVBH, dana 01.11.2018. godine u programu FTV i PINK TV, dana 05.11.2018. godine u programu TV Hayat, dana 06.11.2018. godine u programu Al Jazeera Balkans i TV Alfa, dana 15.11.2018. godine u programu TV SA, a dana 05.11.2018. godine dao sam intervju za portal Patria.

Sukladno odredbama Zakona i obavezama informisanja Vlade i Skupštine Kantona Sarajevo, kao i skupštinskih komisija o stanju sigurnosti na području Kantona Sarajevo, dana 18.10., 25.10., 08.11.,

12.11., 22.11., 27.11., 29.11., 10.12., 13.12., 20.12., i 24.12.2018. godine prisustvovao sam sjednicama Vlade Kantona na kojima su razmatrane informacije o stanju sigurnosti za mjesec septembar, oktobar i novembar 2018. godine, te period januar – septembar 2018. godine, koje su i usvojene bez posebnih preporuka Vlade. Dana 26.10.2018. godine prisustvovao sam sjednici Upravnog odbora i press konferenciji Vlade Kantona Sarajevo, koje su održane povodom ubojstva dva policijska službenika Uprave policije. Dana 30.11.2018. godine prisustvovao sam sastanku s premijerom Vlade Kantona Sarajevo.

Dana 30.10. i 01.11.2018. godine prisustvovao sam zasjedanju kolegija Skupštine Kantona Sarajevo, dana 02.11.2018. godine prisustvovao sam zasjedanju Skupštine Kantona Sarajevo, na kojem je razmatrana informacija o izvršenim krivičnim djelima teška krađa motornog vozila i ubojstva dva policijska službenika Uprave policije s konkretnim prijedlozima, na osnovu koje su doneseni i zaključci Skupštine, te zasjedanju Skupštine Kantona Sarajevo dana 12.10., 16.11., 20.11., 28.11., 19.12. i 26.12.2018. godine.

Dana 29.10.2018. godine prisustvovao sam sjednici Komisije za sigurnost Skupštine Kantona Sarajevo.

II Neposredno ili putem Odjeljenja za odnose s javnošću redovno sam informirao javnost o radu i aktivnostima Uprave policije. U tom smislu za vremenski period oktobar - decembar 2018. godine urađeno je slijedeće:

- poslato dnevnih obavijesti pisanim i elektronskim medijima	530
- poslato saopštenja za javnost	63
- dato intervjuja za elektronske medije	150
- zaprimljeno zahtjeva pisanih i elektronskih medija	177
- održano pres konferencija	1
- gostovanje u TV i radio emisijama u studiju	34

Kontinuirano se unaprjeđuje saradnja s elektronskim medijima, dnevnim i sedmičnim listovima u Bosni i Hercegovini i inostranstvu, koji su objavili veći broj vijesti i intervjuja u vezi s stanjem kriminaliteta, javnog reda i mira, sigurnosti saobraćaja, primjeni filozofije rada policije u zajednici, osiguranju javnih skupova na području Kantona Sarajevo, kao i svim drugim pitanjima iz nadležnosti Uprave policije.

Zvanični web Ministarstva je kvalitetan, redovno se ažurira, te je jedna od najposjećenijih stranica ministarstava unutrašnjih poslova u Bosni i Hercegovini i regiji. U periodu oktobar-decembar 2018. godine je, na osnovu podataka Google Analytics-a, na zvaničnom web-u Ministarstva zabilježeno 371 328 posjeta, a posjete su zabilježene iz 115 država i 2 450 gradova u svijetu. Web također prati kontinuirano provođenje kampanje Rad policije u zajednici. Informacije i edukativni sadržaji u vezi s kampanjama i projektima Uprave policije su adekvatno predstavljeni i na službenom Twitter profilu i službenom YouTube kanalu Ministarstva. Bitno je napomenuti da je nastavljen rad na prilagođavanju svih sadržaja kreiranih i objavljenih na zvaničnom web-u u cilju omogućavanja korištenja web-a slijepim i slabovidnim osobama.

Određeni broj selektiranih informacija se objavljuje i na službenom Twitter profilu MUP-a Kantona Sarajevo. Naš Twitter nalog trenutno ima 374 registrovanih "pratilaca" i taj broj se svakodnevno povećava, a povratne informacije ukazuju na to da se na ovaj način poboljšala komunikacija s

javnosti.

Na službenom YouTube kanalu Ministarstva do sada je obrađen i postavljen 31 video sadržaj, i isti trenutno ima 167 "pretplatnika" i 15 301 pregleda, uz napomenu da nisu registrovani negativni komentari na objavljene sadržaje.

III Statistički pokazatelji stanja kriminaliteta, javnog reda i mira i sigurnosti saobraćaja na području Kantona Sarajevo u periodu oktobar-decembar 2018. godine ukazuju da je stanje sigurnosti na području Kantona Sarajevo na većem nivou u odnosu na prethodnu godinu kada je u pitanju broj otuđenih motornih vozila, te stanje javnog reda i mira i sigurnosti saobraćaja na putevima. Broj registrovanih krivičnih djela je blago smanjen, dok je broj rasvjetljenih krivičnih djela blago povećan. Sigurnosnu situaciju je pogoršalo izvršenje krivičnog djela ubojstva dva policijska službenika Uprave policije dana 26.10.2018. godine, međutim operativno-taktičke mjere i radnje, koje je Uprava policije preduzela i preduzima, pod nadzorom Kantonalnog tužilaštva Kantona Sarajevo, u cilju rasvjetljavanja i dokumentovanja navedenog krivičnog djela, rezultirale su značajnim smanjenjem broja izvršenih krivičnih djela teških krađa motornih vozila.

Iz analize statističkih pokazatelja, proizilazi da su sve do sada preduzete preventivne mjere i radnje, prvenstveno pozorno-patrolna djelatnost, rad policije u zajednici, kampanje i projekti koji se provode u okviru djelokruga rada Uprave policije, u zadnjem kvartalu 2018. godine provedene efikasno i da su dale jasno mjerljive rezultate.

Uprava policije će i u narednom periodu, a u skladu s Programom rada Uprave policije za 2019. godinu, koji će biti donesen tokom mjeseca januara 2019. godine, i akcionim planovima svojih osnovnih i unutrašnjih organizacionih jedinica, nastaviti s provođenjem efikasnih preventivnih mjera i radnji s ciljem postizanja još većeg nivoa stepena sigurnosti, kroz pozorno-patrolnu djelatnost na čitavom području kantona, kao i rad policije u zajednici, a naročito će se posvetiti pažnja planiranju konkretnih aktivnosti u cilju smanjenja broja izvršenih krivičnih djela, s posebnim akcentom na krivična djela protiv života i tijela i krivična djela protiv imovine, naročito krivična djela razbojništva, teških krađa u stambene objekte i teških krađa motornih vozila. Nastaviće se provođenje planskih aktivnosti preventivno-represivnog djelovanja na počiniocima najtežih oblika prekršaja iz oblasti Zakona o sigurnosti saobraćaja na putevima u BiH, s posebnim akcentom na prekršaje koji se odnose na prekoračenje dozvoljene brzine kretanja motornih vozila i suzbijanje pojave tzv "uličnih trkača", prolazak kroz raskršnicu kada je upaljen znak crvenog svijetla i slično.

Tokom izvještajnog perioda Uprava policije MUP-a Kantona Sarajevo je osigurala 642 javna skupa, od kojeg broja 173 s kontradiverzionim osiguranjem, na kojima nije bilo narušavanja javnog reda i mira, a posebno treba istaknuti da su javni skupovi u organizaciji Grada povodom obilježavanja Nove 2019. godine, kao i oni povodom obilježavanja vjerskog praznika, prošli bez ikakvih incidentnih situacija, bez obzira na činjenicu da je na istima prisustvovao veliki broj građana kantona, kao i gostiju iz cijelog svijeta.

U periodu oktobar – decembar 2018. godine, u cilju podizanja stepena sigurnosti na području Kantona Sarajevo na viši nivo, izgradnje povjerenja između Uprave policije i lokalne zajednice, te poštivanja zakonitosti u radu svih policijskih službenika, preduzeo sam slijedeće:

- U skladu s depešom 02-17 od 27.04.2018. godine, kontinuirano se provodi vanredni unutrašnji nadzor u organizacionim jednicama Uprave policije,
- U sklopu projekta Rad policije u zajednici, u suradnji s Visokim sudskim i tužilačkim vijećem BiH, započela je realizacija projekta Lopov uvijek bude uhvaćen, za učenike VI razreda osnovnih škola na području Kantona Sarajevo tokom školske 2018/19. godine.
- Također, u sklopu projekta Rad policije u zajednici u suradnji s ICTAP-om, realizirana je kampanja za borbu protiv nasilja nad ženama, i to dana 20.11.2018. godine u prostorijama Sarajevo City Center podjelom promo-materijala na infopultu, a dana 06.12.2018. godine radionica u prostorijama srednje Mašinske tehničke škole u Sarajevu.
- Uspješno je realizirana permanentna obuka policijskih službenika od čina policajac do čina mlađi inspektor i napredna obuka policijskih službenika od čina inspektor do čina viši inspektor, a u skladu s Planom i programom stručnog usavršavanja policijskih službenika u 2018. godini.
- Preduzeo sam sve aktivnosti iz nadležnosti policijskog komesara za uspostavu sigurnosnog područja za rukovanje tajnim podacima u Ministarstvu i za opremanje prostorija za rad s djecom i maloljetnicima u skladu s Zakonom o postupanju s djecom i maloljetnicima u krivičnim postupku Federacije BiH.
- U cilju adekvatnog odgovora na sigurnosne rizike, donesen je Akcioni plan spriječavanja krivičnih djela teških krađa motornih vozila na području Kantona Sarajevo u periodu 2018.-2021. godina, koji je usvojen i od strane Vlade Kantona Sarajevo.

Sve konkretne aktivnosti, tokom izvještajnog perioda, preduzimao sam uvažavajući prioritete određene od strane Vlade Kantona Sarajevo, uz vrlo dobru saradnju s ministrom.

IV U izvještajnom periodu, pored prioriteta određenih od strane Vlade Kantona Sarajevo i planskih prioriteta Uprave policije koji se odnose na efikasne preventivne mjere i radnje (pozorno-patrolna djelatnost, rad policije u zajednici, kampanje i sl.), složnije operativne aktivnosti usmjerene na rasvjetljavanje najtežih i najsloženijih krivičnih djela, akcent sam dao na normativnu djelatnost za koju sam ovlašten u dva oblika: donošenje propisa po osnovu izričite zakonske odredbe ili dostavljanjem ministru nacrta i prijedloga propisa ili izmjenom i dopunom propisa iz djelokruga rada Uprave policije (član 23. stav 3. tačka d) Zakona).

U gore navedenom vremenskom periodu, pored ostalog, preduzeo sam slijedeće:

- U okviru svojih nadležnosti, redovno sam učestvovao u radu Zakonodavno-pravne komisije Skupštine Kantona Sarajevo u proceduri donošenja Zakona o plaćama i naknadama policijskih službenika Kantona Sarajevo, izrade Zakona o izmjenama i dopunama Zakona o javnom okupljanju Kantona Sarajevo i izrade Zakona o izmjenama i dopunama Zakona o sprječavanju nasilja i nedoličnog ponašanja na sportskim terenima Kantona Sarajevo.
- Potpisan je Protokol o spriječavanju prosijačenja na području Kantona Sarajevo.

- U okviru nadležnosti policijskog komesara Uprave policije, a s ciljem poboljšanja rada i blagovremenog protoka informacija, svakog mjeseca, nakon izrade informacije o stanju sigurnosti na području Kantona Sarajevo, održava se redovni Stručni kolegij Uprave policije, a isti su održani dana 16.10., 30.10., 20.11. i 19.12.2018. godine. Kolegij sa šefom Ureda, načelnicima Sektora uniformisane policije, Sektora kriminalističke policije, Sektora za policijsku podršku i Jedinice za profesionalne standarde i pomoćnicima policijskog komesara Sektora za pravne, kadrovske i logističke poslove, edukaciju i analitiku i Sektora za materijalno-finansijske poslove održavaju se jednom sedmično, a isti su održani dana 02.10., 23.10., 06.11., 13.11., 04.12., 11.12. i 25.12.2018. godine. Na svim kolegijima se razmatra stanje po oblastima rada, te iznalaze modusi za rješavanje problema koji se javljaju u radu.
- U skladu sa svojom nadležnosti učestvovao sam u radu Komisije za sigurnost Skupštine Kantona Sarajevo, koju sam redovno informirao o stanju sigurnosti na području Kantona Sarajevo i mjerama i radnjama koje će policijski službenici Uprave policije poduzimati u cilju poboljšanja iste.
- U skladu s Zakonom o policijskim službenicima Kantona Sarajevo i Zakonom o zaštiti tajnih podataka BiH, a na osnovu pravosnažnih rješenja o postojanju sigurnosnih smetnji, za pet policijskih službenika Uprave policije, donešena su rješenja o prestanku radnog odnosa zbog prekobrojnosti.
- Na osnovu izvještaja o rezultatima bezbjedonosne provjere, za tri policijska službenika Uprave policije MUP-a Kantona Sarajevo donešena su rješenja o postojanju sigurnosnih smetnji, te su rukovodiocima organizacionih jedinica, u kojima su isti raspoređeni, i Odjeljenju za unutrašnju kontrolu date upute za postupanje u vezi navedenih izvještaja i rješenja, a u toku su postupci po žalbama koje su na rješenja o postojanju sigurnosnih smetnji dostavili policijski službenici.

V U oblasti upravnog rješavanja, redovno sam, u zakonskom roku, donosio odluke koje su, po odredbama Zakona o nabavljanju, držanju i nošenju oružja i municije i drugih propisa, u mojoj nadležnosti, odnosno nadležnosti Uprave policije.

Tokom izvještajnog perioda, ažurno, prema planiranoj i datoj dinamici, u oblasti upravnog rješavanja donosio sam odluke koje se odnose na radnopravni status svih zaposlenika Uprave policije od kojih su: policijski službenici 1444, državni službenici 16 i namještenici 163. Odluke su se najčešće odnosile na prava iz radnog odnosa, a u vezi s provedbom odredbi Pravilnika o unutrašnjoj organizaciji MUP-a Kantona Sarajevo, koji je stupio na snagu odlukom Vlade Kantona Sarajevo broj 02-05-2363-8.1/17 od 17.07.2017. godine. Navedenim Pravilnikom u Upravi policije sistematizovano je 1984 radnih mjesta, od čega 1729 policijskih službenika, 42 državna službenika, od kojih 2 rukovodioca osnovnih organizacionih jedinica i 5 rukovodilaca unutrašnjih organizacionih jedinica, te 213 namještenika, od kojih je jedan rukovodilac unutrašnje organizacione jedinice.

U izvještajnom periodu započelo je provođenje procedure za unaprjeđenje policijskih službenika u čin mlađi inspektor, za 117 radnih mjesta.

Završena je procedura za unaprjeđenje policijskih službenika u čin samostalni inspektor za 10

radnih mjesta, te sam na osnovu prijedloga Komisije za unaprjeđenje policijskih službenika u čin viši inspektor i samostalni inspektor, donio rješenja o unaprjeđenju i rješenja o rasporedu za deset policijskih službenika unaprjeđenih u čin samostalni inspektor.

Dana 12.10.2018. godine potpisani su ugovori o međusobnim pravima i obavezama s 118 kadeta-početni čin policajac, koji su upućeni na školovanje u Policijsku akademiju Federalnog ministarstva unutarnjih poslova .

U periodu oktobar – decembar 2018. godine donio sam jedno rješenje po osnovu sticanja prava na invalidsku penziju za policijskog službenika invalida prve kategorije, dok sam na osnovu dva lična zahtjeva policijskih službenika za sporazumni prekid radnog odnosa, donio rješenja o prekidu radnog odnosa.

Donosio sam rješenja o premještanju, plaćenom odsustvu, o refundaciji troškova mobitela, kao i druge akte, rješenja, odluke i uvjerenja koja se odnose na radno-pravni status uposlenika Uprave policije.

Davao sam izjašnjenja na tužbe po zahtjevima nadležnih organa, a najveći broj njih odnosio se na oblasti radnopravnih i imovinskopravnih sporova.

Tokom izvještajnog perioda izrečeno je 5 sankcija policijskim službenicima zbog lakših povreda službene dužnosti.

Redovno sam pratio i davao podršku radu disciplinskih tijela (disciplinska komisija i disciplinski tužilac), kao i radu Odbora za žalbe javnosti Skupštine Kantona Sarajevo.

- VI Obzirom da je borba protiv korupcije prioritet i jedan od bitnih uvjeta za ukupan rad Uprave policije kojom, u skladu s odredbama Zakona, rukovodim, dao sam akcenat na efikasnost rada svih operativnih tijela i mehanizama u ovoj oblasti, a po potrebi se i neposredno uključivao. Sve ove aktivnosti provođene su u skladu s programskim dokumentima Vlade Kantona Sarajevo u ovoj oblasti, kao i strateških dokumenata i planova viših nivoa. Ministarstvo, a u okviru njega i Uprava policije, je usvojilo niz strateških planskih dokumenata u oblasti borbe protiv korupcije (Strategija, Plan 2017. - 2021. i dr.). Osigurao sam sve potrebne uvjete za rad Operativnog tima za borbu protiv korupcije, Jedinice za profesionalne standarde i nadležnog Odjeljenja u Sektoru kriminalističke policije, neposredno vršio nadzor nad radom istih i time iskazao senzibilitet i dao istinski doprinos efikasnoj borbi protiv korupcije, kao jednoj od najopasnijih i najštetnijih pojava, kako u vlastitim redovima, tako i u društvu uopće. U izvještajnom periodu, Operativni tim za borbu protiv korupcije nije zaprimio niti jednu žalbu koja se odnosi na postojanje osnova sumnje da je počinjeno krivično djelo navedeno u Strategiji borbe protiv korupcije u MUP-u Kantona Sarajevo. Operativni tim o svome radu, policijskom komesaru dostavlja pismeni izvještaj na mjesečnom nivou, koji se dostavlja na uvid i Nezavisnom odboru Skupštine Kantona. Uprava policije kroz permanentnu obuku vrši kontinuiranu edukaciju policijskih službenika, kao i kroz obuku državnih službenika i namještenika u oblasti borbe protiv korupcije, a upućivanjem

policijskih službenika na tematske radne sastanke (ad hoc ili kontinuirano), specijalističku obuku, seminare i sl., vrši se dodatno osposobljavanje i specijalizacija kadrovskih potencijala u oblasti borbe protiv korupcije.

VII U okviru redovnih aktivnosti, shodno usvojenom Budžetu, u dijelu koji se odnosi na Upravu policije, preduzima sam mjere i radnje na nabavci materijalno-tehničkih sredstava potrebnih za rad Uprave policije, a u cilju povećanja efikasnosti i modernizacije rada. U izvještajnom periodu, Uprava policije je, u skladu s Budžetom Uprave policije za 2018. godinu i planiranim strateškim ulaganjima, pripremila tendersku dokumentaciju i provela tendersku proceduru za velike projekte- nabavka policijske opreme (uniforme, balističkih prsluka, policijskih kaciga i gas maski), nabavka opreme za sistem radio veze DMR sistem i nabavka stacionarnih radarskih uređaja. Ministarstvu finansija Kantona Sarajevo dostavljen je okvirni Budžet za period 2019.-2021. godina. Dana 13.12.2018. godine promovisana su javnosti i raspoređena u organizacione jedinice Uprave policije službena motorna vozila, nabavljena 2018. godine.

VIII Na zahtjev ministra i po ukazanoj potrebi, dostavlja sam izvještaje i informacije u skladu s Pravilnikom o redovnom izvještavanju ministra o poduzetim aktivnostima Uprave policije i o događajima i rezultatima poduzetih aktivnosti koje imaju značaj za sigurnost građana i interese Kantona Sarajevo broj 01-22/17 od 28.03.2017. godine.

Predlagao sam sastav komisija koje formira ministar.

Putem nadležnih Sektora i Odjeljenja, u skladu s odredbama Pravilnika o redovnom izvještavanju ministra o poduzetim aktivnostima Uprave policije i o događajima i rezultatima poduzetih aktivnosti koje imaju značaj za sigurnost građana i interese Kantona Sarajevo broj 01-22/17 od 28.03.2017. godine, preduzeo sam mjere na organizaciji i funkcionisanju jedinstvenog sistema izvještavanja i obrade podataka neophodnih za vršenje poslova iz nadležnosti Uprave policije.

Prilikom obrade podataka postupa se po uspostavljenom sistemu zaštite osobnih podataka, kao i po dostignutom stepenu razvoja sistema zaštite tajnih podataka.

Putem nadležnog Sektora, po potrebi, i u skladu sa zakonskom procedurom raspisivao sam kantonalne potrage i oglašavao raspisane potrage.

Učestvovao sam na sastanku Koordinacije direktora Federalne uprave policije i policijskih komesara kantonalnih Ministarstava unutrašnjih poslova, i uzimao aktivno učešće i davao određene prijedloge o unapređenju saradnje između policijskih agencija na rješavanju sigurnosnih izazova i prijetnji, koji je održan dana 17. i 18.12.2018. godine i na kojem je razmatran izvještaj o radu za period januar-novembar 2018. godine, kao i druga pitanja iz oblasti sigurnosti i uspostavi standarda jedinstvenog postupanja policijskih službenika na području Federacije, posebno kada je u pitanju prisustvo sve većeg broja migranata na području F BiH i uticaj ove populacije na ukupnu sigurnosnu situaciju.

U skladu s odredbama Instrukcije o međusobnom izvještavanju o pojavama u oblasti javne sigurnosti između Federalnog ministarstva unutrašnjih poslova i kantonalnih Ministarstava unutrašnjih poslova

o pitanjima koja su od interesa za sigurnost Federacije Bosne i Hercegovine, broj 09-1608 od 26.07.2007. godine, kao i drugih propisa i procedura, ispred Uprave policije podnosio sam informacije i statističke podatke Federalnom ministarstvu unutrašnjih poslova, a naročito u vezi s poslovima iz zajedničke nadležnosti kantona i Federacije BiH, kao i poslovima iz nadležnosti Federacije, koji su povjereni Ministarstvu, odnosno Upravi policije.

Putem nadležnih Sektora u Upravi policije osiguravao sam zakoniti i profesionalan policijski odgovor na sve događaje koji mogu imati bilo kakve implikacije na sigurnost, te i na taj način davao doprinos poboljšanju sigurnosne situacije na području Kantona Sarajevo.

IX Tokom izvještajnog perioda, ostvarivao sam komunikaciju i izvještavao Nezavisni odbor o rezultatima i prioritetima rada Uprave policije, te u tom smislu na raspolaganje stavio sve podatke i dokumentaciju, kako bi isti mogao preduzimati poslove i zadatke iz svoje nadležnosti. O svim događajima na području Kantona Sarajevo, a koji su interesantni s aspekta sigurnosti, Nezavisnom odboru se dostavljaju detaljne informacije na sedmičnom nivou. Sjednicama Nezavisnog odbora prisustvovao sam dana 16.10., 20.11. i 19.12.2018. godine, kada su razmatrane i usvojene informacije o stanju sigurnosti za mjesec septembar, oktobar i novembar 2018. godine i za period januar – septembar 2018. godine, kao i izvještaj o radu policijskog komesara za period juli-septembar 2018. godine.

Sve naprijed navedene aktivnosti, provodio sam s ciljem postizanja višeg nivoa primjene demokratskih principa i efikasnosti u radu Uprave policije, zaštite ljudskih prava i sloboda svih građana i postizanja višeg nivoa lične i imovinske sigurnosti na području Kantona Sarajevo.

Broj: 02- 11

Datum: 22.01.2019. godine

POLICIJSKI KOMESAR
Generalni inspektor policije

Mevludin Halilović

